

三松堂集

三松堂續集卷二

始庚午秋  
至癸酉春

吳縣潘奕雋榕皋

趙甌北前輩重赴鹿鳴筵宴賦詩寫圖索題次

韻四首

宛同秋賦似裝忙 錫宴加銜荷寵光  
青鬢早辭朝士籍 白鬚再入少年場  
官聲自昔推文楚 體式於今寶正藏  
佳話一時傳萬口 新郎君看探花郎

艤舟亭畔古江村 蓬徑縈紆竹掩門  
采菊種松忘世味 批風抹月識君恩  
何人立雪能傳鉢 有客談天任入禪  
丈室泠泠真似水 不教道眼暫時渾

此是青雲第一程  
霜蹄猶記躡風輕  
斗山中禁思公望  
鼓角南天播頌聲  
胸貯冰壺兼玉帳  
眼空豆嶽與杯瀛  
誰知草檄摩厓手  
老學庵中守一檠

久矣滄江狎鷺盟  
多生結習有餘情  
霓裳曾領羣仙會  
蕊榜重披千佛名  
攜鶴家風堅晚節  
倚樓詩筆擅長城  
瓊林他日傳新唱  
下走應來賦鹿鳴  
歲次辛巳先生當  
宴瓊林越歲壬午  
奕雋亦可赴  
鹿鳴筵矣

自題畫蘭

湘皋春信早  
湘水綠波深  
欲寫離騷句  
臨風調玉琴  
春到草元亭  
幽蘭含素馨  
知君能守黑  
不共衆芳零

彝齋不可見衡山亦已遠誰識左徒心含毫對九畹  
幽興寄澧浦遙情望楚天輪軒清夢遠僕指惜流年

題畫

一曲清溪照眼明夏天脩竹有禽鳴幽人獨坐渾無事  
要聽瀟湘雲水聲

洪定山太守告歸寓居吳門出瀕行投贈詩冊  
並留別台州諸父老詩見示因題其後

風流仙吏蘇兼白慈惠官聲龔與黃青霽鬱林真並美

不須攜取壓歸航

台州廳事前有石一片  
太守臨行題青霽二字

山深氣厚土風淳況復春隨有腳春我愛霞城臚誦冊

三松堂續集

卷二

二

百齡聯詠有楊陳

邦人士作詩餞行者甚夥題曰霞城

百歲楊端卿陳時雍二人尤爲昇平人瑞云

和黃薨圃雪中見懷之作

喜雪拓松牖雪明松更青  
壓檐渾欲折舞幌未曾停  
豐歲明年定歡聲比戶聽  
何當烹日鑄並坐草元亭

友人有以詩代柬垂詢近況者和韻答寄

老甘岑寂愛三餘靜驗靈臺只髮如  
地布氍毹曲室暖鑪明棹杌  
夜窗虛疏枝壓雪松添翠  
冷蕊迎春梅已舒

最是歲除饒樂事愧貧新獲八函書

胡果泉方伯自淮寄到新雕翻宋本

文選攷訂確核秀水金轡廷上舍寄到錢香樹尙書詩文全集中多有益身心之語不勝貧兒暴富之喜

小除夕雪中登彌羅寶閣得詩一首

拾級握衣記隔年衝寒歲歲此心堅  
三霄有路憑誰引下界回頭祇自憐  
未信潔齊可見聖敢生妄想說求仙  
道人不識焚香意爲諷黃庭內景篇

辛未元旦和黃蕘圃見投詩韻

緒風纔轉雪消遲初景新開松頂曦  
雀噪閒門喜客少獅堆晴院笑兒癡  
賞心天貺千金子風花雪月千金子  
自紫清真人句也

敲句吾慚一字師

蕘圃有詩  
每以相質

卻羨朱塵

蕘圃  
齋名

饒韻事歲

朝一卷未停披

題蕉園方伯指頭畫蝶卷

太常老道古仙真游戲人寰幾百春我爲披圖思往事  
卻疑栩栩是分身

太常寺有仙蝶不能常見相傳見者  
吉祥署中人皆呼爲老道乾隆年間

余在京師  
曾一見之

又見當年高且圓生機觸手粉留痕管城子遜天然趣  
悟入禪家不二門

### 花朝偶成

水國春寒未卸裘窗明漸喜午風柔攤書欲與古人語  
曳杖真同造物遊小大甯論鵬與鷃栩栩遽莫問蝶爲周  
山僧昨報梅花信擬放扁舟到石樓

西山梅花  
最盛處也

### 沈十峯種石圖

仙掌帶雲移撐雲碧蘚滋虛堂清賞足不羨小仇池

閏三月初七日三松堂小集

生辰逢淑景閏歲恰重三春滿平江路尊開老學庵毫  
還揮硯北杖或拄花南明日西山去攀幽興頗堪

廣西應山縣一百四十二歲壽民藍祥蒙

恩賞給坊銀緞正復給與六品銜並

御製詩篇扁額以賜太平異瑞史冊罕見恭紀一律  
和風鼓化宇粵海奏耆民豈意百齡後重開四十春  
恩綸從驛遞

睿藻自天申史氏徵奇瑞無須紀鳳麟



閏三月十五日獨遊白雲精舍用舊韻

春歸花事盡吾自愛聽泉亭靜更無客僧閒不坐禪林  
禽晴獨語磻草晚含煙那得同心侶幽棲謝世緣

丙寅己巳余兩過毓秀山房皆有詩留贈涪江  
今歲閏月復至亭中則涪江下世已兩年矣  
用壁間留題韻志慨

六年三坐此亭中敲岸繁花映水紅何限山邱華屋慨  
聲聲啼鳥怨東風

偶遊吾與庵適遇澄谷上人歸自武林堯圃用  
余三字詩韻見投卽次來韻奉答並柬澄谷

拄策春遊獨浮杯歲隔三爲停黃篋舫並坐綠天庵書  
社荒城北新篇賦道南秋深同載去酬倡老還堪

次孫生命名希甫詩以志勗

含飴人喜壽而康協夢門懸蓬與桑老去甯資詒厥力

用到  
溉事

閒來待課鄂不章

不從鄭讀  
作芳浮反

科名何僅須天與才

調機雲非我臧錫汝令名期汝顧柔嘉明哲保身方

楚僧雪島歸自五臺過訪三松堂索詩卽送之

遊廬山

飛錫曾凌菩薩頂浮杯纔泊闔閭城明朝相送山塘路  
夢聽廬山瀑布聲

錢撫棠少宰滌硯圖

浮臚翔鳳今安有吳興景星落誰手結得高齋翰墨緣  
方嚴眞是端人友松風謾謾泉泠泠拂拭解事呼樵青  
天庭妙質信寶貴卻笑蘇子誇涵星雲林清閼多閒暇  
啟事山公暫乞假朶雲一字自名家練裙半幅原無價  
東吳不見太湖精此事今日推簪鏗銀鉤筆作怒猊勢  
金壺墨濺驚濤聲麥光鋪几心如水平卻憶園居風日美  
焚香閒仿步虛詞盟手還臨春帖子楊凝式書步虛詞  
刻於戲鴻堂東坡  
春帖子詞刻絳樹青琴各異姿人生最樂是臨池怡神  
於晚香堂正值務閒候況是從心七十時用詩譜語先生  
明年正七十也

張雪樵餽湖蕪以詩柬謝並訂同遊

我欲遊西湖七年秋復春孤山林處士笑客眞因循故  
人昨朝來攜餉湖中蕪清波涵雉尾中有風露新登盤  
滑流匙入口清而醇欣然爲加餐一味抵八珍紗幘果  
腹餘夢落湖之漣何當竟鼓舵同泛錢唐門

詩成而遊未果復詠一首解嘲

檀園老詞伯潑墨何淋漓三潭采蓴圖昔歲安道貽

門生

戴竹友贈李長蘅三潭采  
蓴圖冊詩畫俱臻妙品

遂令清遊興一往不可維豈

意張季鷹惠然慰我思平頭工烹調安坐占朶頤況復  
庭前花天香方滿墀重披檀園畫細讀檀園詩衰年憚

遠道巽坎母須期

淵明詩巽坎難與期

盧湘槎騎鶴清遊圖

富貴神仙夢已空  
鶴聲一一入雲中  
時人漫作腰纏想  
誰識清遊興未窮

廿四橋邊月正明  
平山堂下雨初晴  
冰壺心蹟真清絕  
要聽橫江玉簫聲

定山餉宣紙池藕以詩奉謝

澄心古製問何如  
槩几晴窗夢醒餘  
慚愧連番雪比潔

中書君已不中書

用蘇句

那得峰頭玉井蓮  
踏來何處大於船  
菰蘆泥水真堪樂

擬結池邊翰墨緣

山塘夜飲感念舊遊有作

搖碧齋前桂魄圓  
白公祠下草含煙  
溪山勝處憑闌坐  
振觸愁懷到酒邊

星河絡角隱高樓  
絃管誰家正賞秋  
燈火滿塘殘醉醒  
羨他兒女鎮無愁

張雪樵觀察輓詩末章兼唁令弟月樵孝廉

勇退何人肯著鞭  
看君紆綬看歸田  
晨星舊雨嗟寥落  
陳迹回頭五十年

報國丹心奈白頭  
棠陰黍雨頌聲留  
羊城聞說登程

日截鐙邦人擁道周

山塘競渡共憑闌話舊懷人感百端今日相尋漬絮酒  
一庭秋雨素帷寒

采得秋蕓寄驛筒報章猶記走蠻僮怪君不戀西湖景  
卻向金閭作寓公

天水橋邊甲第開山邱華屋總堪哀飛飛丹旆悲行路  
食報徐卿望後來

火窮不盡悟傳薪生死眞同臂屈伸太息池塘殘夢醒  
寒燈夜雨最傷神

荅歸佩珊女史見贈之什卽次原韻

寫韻樓高遠市塵一枝斑管燦生春  
評量不少詩書畫  
贈答惟應形影神垂老光陰須自惜  
已涼鐙火漸堪親  
人間歧路真無限莫向長沮更問津

三生一誤落紅塵汨汨悠悠七十春  
閉戶未妨如學子

攤書不是慕經神  
早知夢覺渾無據

來詩有自愧三生無覺性之句故用

莊子語意試問身名果孰親  
活水心源憑自取  
莫將斷港認通津

### 暮齒一首

暮齒畏人役  
孱軀避物撓  
晨興提四印

黃山谷詩手提養生之四印

夜坐喚三彭  
酬客嫌耗氣  
吟詩怕損神  
渭南有妙訣斗



室署還嬰

陸放翁自署齋名曰還嬰室

魏松濤春耕餽餉圖

又是分畦布穀時  
秀州城外雨如絲  
攜家我欲相隨去  
細讀豳風七月詩

宴坐寄崑峰長老

宴坐何妨晝掩扉  
閒門久矣客來稀  
寸田尺宅爲生計  
黃庭經寸田尺宅可治生謂丹田與面也  
別葉歸花悟化機  
早識栩蘧覺亦依  
夢休言今昨是和  
非明朝擬放江村棹  
只有蒲團靜可

弟畏堂子世璜同坐可中亭時秋深無一遊人

始見虎阜真面目也

秋光皎潔秋雲白千人石上來三客山前興廢幾亭臺

歷劫常存一覺石

卽俗所稱點頭石也在講臺傍上有篆書覺石二字

九月十三日偕蕘圃拉澄公同遊白雲泉

不看秋山色回頭十四年

遊山皆在春惟戊午秋一看紅葉耳

已衰猶健

客尙暖乍寒天嵐翠眞圖畫泉聲當管絃

是日友人邀余觀劇未赴

故云無功留妙句吟賞石亭前

余誦唐人樹樹皆秋色山山惟落暉句蕘圃謂確是

眼前妙境也

夜宿吾與庵題壁

偶鼓遊山興因尋退院僧聞思閒倚棹

是日先訪昆峰於聞思庵吾

與又扶藤題壁留公案安心伴小乘一龕清夢醒瓶鉢  
憶吾曾

隱谷歸雲圖爲吾與庵際風上人題

三宿釋氏戒結茅錫又飛因知出世者塵網不可羈我

來雲外室

庵中齋名

一夕欣相依齋鉢晨共飽園蔬冬正肥

浮生閒自樂此地堪掩扉蓮社渺千載遺風庶可希

廢園卽事

賜閒堂下白雲涼

賜閒堂額董文敏爲申文定書余及見之今無存矣

又一村邊

蔓草荒

舊時堂後有屋數椽題曰又一村今亦廢

剩水殘山如昨日儘容閒

客話斜陽

頤生

壽世非吾分  
頤生自有方  
省言守氣母  
散慮養心王  
風過琴流韻  
灰深鑪有香  
悠然丈室裏  
身世兩相忘

李補樵溪山無盡圖

大山宮小山  
霍畫手難逢  
關與郭大波  
爲瀾小波爲  
淪刺船不見  
方子春溪山  
無盡看逾好  
誰肯抽身事  
幽討琅函芝  
草無處無紅  
塵滾滾令人  
老鍾吾隱者  
營邱孫看山  
讀畫忘朝昏  
放懷興寄煙  
霞表潑墨袖  
捲波濤痕虛  
堂展卷松風  
起咫尺真同  
遊萬里褰幔  
看飛岱頂雲  
煎茶想汲灘  
江水山深可  
樵溪可曾山  
腰行客呼欲  
鷹

何當結伴攜行膝青鞵布韞我亦能

十二月十九日東坡生朝尤春樊舍人懸像設  
祭招飲齋中用東坡和陶詩韻邀余和作

東坡生景祐乃是三代英寄蹟偶廣陵以詩寫性情和  
陶二十章對酒孤懷傾悠然夷曠胸那有不平鳴所嗟  
曠世感同懷不同生

虛齋香篆裊觀此鸞皇姿再拜奠芳尊侑以寒梅枝公  
詩無愧陶平淡彌神奇我亦和公作天成非人爲聊爲  
送神曲雲螭詎可羈

東坡生朝黃蕤圃新得宋刻和陶詩二卷以東

坡生日是今朝爲起句作詩索和卽次其韻

題於卷後

東坡生日是今朝薊北蘇齋歲奠椒

謂翁覃溪學士

何似宋塵

薊圖齋名

人獨坐和陶一卷諷深宵

東坡生日是今朝有客城南置酒招

是日赴春樊舍人飲

早覺春

風入杖履篆煙濃傍鬢絲飄

東坡生日是今朝可有朝雲伴寂寥想到六如亭下路

蠻風暖處雪全消

東坡生日是今朝斗室揮毫興自饒善本流傳期共賞

一甌準擬致員橋

薊圖所居巷名

過山塘報恩寺爲僧雪齋題放鶴尋梅圖

逸翮無俗韻孤芳有奇姿自非出世人不許爲心知上人湯休徒一鉢身相隨偶憩贊公室閒吟齊已詩我本塵中人頗有塵外思風高雲去盡露白月明時鶴唳清激耳梅花香沁脾還期入山去母使塵網羈

劉崧嵐書來知卜居懷慶卻寄一首

故人河內住昨到數行書爲說休官樂翻嫌把袂疏崧  
曾訂居吳今已定居來仙壇春暖後王屋雨晴初那得  
吳之期未果何時也攜尊榼花間並載余

張涵齋侍讀見示壬申近什卽用卷首眞字韻

奉題

欲攜蓑笠訪元真三徑新開結德鄰折桂橋

涵齋所居邊春

澹蕩鷗波舫

涵齋齋名

下水齋淪尊前且共從王績窗外無

勞喚孔賓擊壤一編手自輯不妨耕鑿作堯民

又贈一首卽用前韻

投老遺榮冀養真醉鄉原與道園鄰儘容泥飲從田父

不是行歌慕隱淪芹藻舊聞樂泮水笙簧曾見宴嘉賓

侍讀重遊泮宮計庚辰當赴鹿鳴筵宴故云

韜精我欲隨果老鼓腹同爲皞

皞民

李頎調張果先生詩韜精殊豹隱

題芝巖研田分授圖



天庭妙質有涵星

東坡贈范純父硯名

畫日歌雲翰墨靈付與諸

孫爲世寶看他著手起風霆

何分下選與東屯聰聰應思世德存識得菑畲在經訓

金饑木穰不須論

木樨香入墨池酣院靜秋深老學庵卻笑東歸王內史

漫誇天賜但分甘

聽雨和韻

又屆黃梅候紗幮翳不明夢爲蝴蝶舞坐聽鶉鴉聲處  
世誰非寄戕生最是名虛堂無客到緣簡得心清

青浦重建放生橋詩爲圓津院長老覺銘作卽

次原韻

問君好事意云何

舊來好事今能否  
工部贈旻公句也

精進幢驅十萬魔

但願羣生登寶筏肯教此地歎風波  
皂江司馬今誰是

少陵有李司馬  
作皂江竹橋詩

紹聖棲禪功孰多

惠州東新橋爲道士  
鄧守安建西橋爲棲

禪院僧建並成於紹聖  
三年東坡以詩落之

我讀新詩增百感昔賢遺蹟半

消磨

鞭石前朝締構堅性潮往事話辛年公私並利須長策

成敗相循信夙緣立志豈因難易變通行眞快往來便

精靈剝復非虛語不壞身疑是後先

陽明先生年五十  
偶遊僧舍見一室

封鐫甚固命啟之中有一龕壁上詩曰五十年前王守  
仁開闢原是閉關人精靈剝後還歸復始信禪門不壞

身是橋爲隆慶辛未僧性潮建今覺銘又於  
嘉慶辛未建之安知覺公非卽性公後身耶

壬申四月初六日獨遊山塘因過龍壽山房徧

閱元僧善繼血書華嚴經八十一卷讀宋文  
憲題讚並閱乾隆乙卯與王述庵錢竹汀諸  
君子題識彈指前遊蓋十八年矣至暮乃歸

枕上得二十八字

生公臺畔起鐘聲新綠濃陰覆院清十八年來如一夢

願披梵蕤餞餘生

擬于臘月  
來此閑關

丹徒馮栢生瀆川春泛圖

聞說書堂枕碧潯春遊來往愜幽尋披圖我亦思移艇

讀畫看山更聽琴

題王竹嶼通守鳳生白雲迴望圖用卷中姚姬

傳比部韻卽送之官越州通守爲通政司副使同年友亮令子

何事分符卻戀鄉新詩吟諷意深長瀧岡表已恩榮備

京兆阡甯草樹荒此去甘棠勤保赤他時畫錦待焚黃

昌蒲可餌思前語彈指驚心是景光乾隆乙未余在京師通政午日感懷

有句云坐聽鸛鶴能人語欲餌昌蒲作地仙余有和韻之什今已遺失檢通政集中此詩亦不存又余嘗贈結

念屬霄漢隨時愛景光楹帖今屈指計之閱歲已三十八稔矣

題趙太常遺像冊後

公諱崙山東萊陽人順治十五年進士於康

熙二十一年由禮部郎中督學江南以清廉  
與陸清獻爲子清端公所薦游陞至太常寺

卿今公五世孫曾來宰於吳以冊索題

前賢邈矣餘清風口碑猶說萊陽公公昔秉節來江東  
秩宗品望聲隆隆如衡在懸鏡當空使覲者走聾者聰  
采掇瑜瑾珣琪璵不以杞梓遺菅蓬長養追琢兼磨礱  
起衰斯文日再中一編羣藻歌生童士子頌公德政想有道南羣藻錄  
見樂育甄陶功嗟余生晚稟質蒙餘論未獲聆宗工肅  
瞻遺範心忉忉公之曾孫今文翁述德繩武懷淵衷維  
公亮節平湖同惜不並饗從祀崇千春令聞垂無窮

秋水園圖爲伊墨卿題

疏籬短竹影橫斜小築偏宜傍水涯那得扁舟便乘興

看君潑墨寫梅花

墨卿以所寫梅相贈

李桐皋南陔種菊圖

絮餐補得白華詩愛種籬邊裊露枝不是遺榮慕彭澤

延齡要介北堂卮

汪心農守梅山館圖

心農尊甫臨江太守築室種梅心農重加葺治屬余

題額曰守梅山館宋葆真孝廉復爲寫圖索余題句

疏枝冷蕊飽風煙想見幽棲樂事偏試拂金徽理三弄

一天涼影舞胎仙

三才集卷之二  
三  
暝煙濃處雪晴時  
籠袖巡檐定有詩  
吟到天寒幽絕句  
笑他舞市格還卑

東閣清吟舊夢長  
行人指點鄭公鄉  
一枝又報先春信  
桐樹韓家無此香

和黃堯圃聞思庵看桂之作

聞思白露後老桂佛堂前  
地僻無人到根深得氣先  
獨遊真是果暫賞亦須緣  
余亦擬往而卻憶看紅葉山房以病阻故云

夜榻聯

辛未年秋事

喜姪孫曾沂遊庠柬賀雲浦三弟並寄世恩姪

江西

暖風晴旭滿華堂翠竹蒼松自作行最羨憑軒舒老眼  
孫枝又見拂雲長

兩行鼓吹采芹回往事重提笑口開卻愧衰慵詩思減  
輸他仙令擅仙才

檢篋得醴泉令汪顥三先生賀余入  
泮詩筵故戲及之首句即用顥三詩

句也

雛鳳清於老鳳聲

用義山句

蓬山閬苑認題名雲霄指點無

多路此是丹山第一程

### 書浦鶴天冷香集後

同庚僕指溯庚申

鶴天亦庚申生

坐領寒香七十春老屋幾間

書萬卷梅花村裏一詩人

鶴天住寶山之梅花村



何妨海角老荒村寥落冬心孰與論我愛山陰二樹語  
四圍香雪欲藏門山陰童二樹能詩善畫梅有萬樹梅  
花萬首詩印章贈余長幅攜入都門  
爲友人持去連余歸田二樹已作古人於陸白齋處復  
乞得一幅今白齋亦復下世四圍香雪欲藏門集中二  
樹題句也閱之  
不勝今昔之感

東坡生辰集延月舫

塵海茫茫歲序遷瓣香復此禮坡仙紙窗竹屋蕭閒甚  
緬想風流七百年

登岸圖爲唐陶山刺史題

誰將寶筏度迷津振舵中流捷有神鼉吼鯨呿等閒事  
收帆真喜自由身

篷窗坐嘯興豪哉指點天邊一葉來莫信老僧勇退語  
巨川作楫正須才

二月上澣趙甌北前輩探梅鄧尉小住虎阜同  
范芝巖張船山蔣于野范葦舫集孫子祠

雨止命肩輿循隄指山麓園亭背崇邱林木延初旭有  
客探梅來停橈此信宿歡言招靜侶相與展衷曲同心  
紛聯袂折簡不待速清遊忘主賓文飲謝絲竹蘭亭緬  
古歡斜川企前躅從來達士懷不受世網束披豁怡沖  
襟消搖恣遐矚寒輕林吐紅日暖洲迴綠側想潭東西  
香風滿崖谷何當竟乘興並棹過光福

三才集卷之二  
又和歐北前輩韻卽送探梅入山

晴午山塘風已柔招呼閒客坐林邱年高未減清遊興  
地勝何嫌竟日留笑我摧頽也七秩羨公述作早千秋  
山深花好春猶淺莫爲寒輕便卸裘

吾與庵澄谷和尚七十生辰索詩

無生何必不長生一塔營成歲屢更想到春深雲外室

澄谷  
齋名

松風響答木魚聲

見山閣上坐看山有幾閒人天地間老覺蒲團真有味  
杖藜還擬叩禪關

三松堂續集卷三

始癸酉夏  
至丙子冬

吳縣潘奕雋榕皋

須靜齋詠物四首

銀藤

藤苗於癸丑秋至己  
巳始花今更繁盛

未種何緣茁無根能自滋人誇紅藥句我愛白華詩  
絡角香風遠續紛嫩蕊垂從來不入佩孤負絕塵姿

薔薇

初霽復清晨枝枝照眼新潤添一夜雨開到十分春  
老我渾忘老貧家真不貧

陸魯望薔薇詩致  
得貧家似不貧

營巢來小鳥

啁晰似相親

木香

一架堆如雪繁枝艷坐隅翠禽栖處穩粉蝶宿來無本  
色豈人媚濃香偏我娛莫嫌滋蔓極弱植要頻扶擬依  
檐宛  
轉作架  
引之

長春

階藥繁紅謝園桃濃蔭成賤還憐小草老最喜佳名寂  
寂似無俚欣欣亦向榮籬根與砌側開落任陰晴

題尤西堂先生柳陰垂釣遺像

圖寫於康熙庚  
戌年五十三

五十功名未是遲書屏況荷

九重知如何便袖經綸手閒看兒童理釣絲

永哉軒外揖青亭少歲春遊屐屢經祇恨吾生來較晚  
但從畫裏挹儀形

寶山浦鶴天曾索予題其所著冷香集而未識  
其面也今有人自海上來云已作古人易簪  
時云欲得予輓詩附名卷中鶴天之詩固可  
傳而予則非能傳鶴天者也因書一絕以答  
其意

甫草

計東

聲名日下滿欽萊

周準

姓氏別裁傳漁洋不作歸

愚死誰說雲間浦鶴天

和錢梅溪移居翁莊詩

三松堂續集

卷三

二

滿船載得畫詩書聞說翁莊近卜居已喜嵐光當晝戶  
更移香雪繞雲廬眼明身健神無累飯軟茶甘樂有餘  
況復兒孫能濟美傳家經訓足留畬

我亦幽栖近卅年息機常日枕雲眠乞碑道士曾貽墨  
問字山僧與品泉老病但知閒適好鱗鴻猶幸往來便  
小春風日暄妍甚乘興還移訪戴船

壽源小隱圖爲汪竹坪

新宮西麓舊書銘一枕晴窗午乍醒季孟元卿真不愧  
知君翰墨已通靈

東坡遊羅浮詩我亦季孟元卿問自注云唐人有夢書新宮銘者云是紫

陽真人山元卿撰其畧曰良常西麓原澤東泄新宮宏宏崇軒轅轅竹坪能書善畫故用其事

神魚不見語非欺  
福地曾傳杜老詩  
九十九泉茅可結  
壽源吾意卽仇池

王雪窗小影

欲將心與古人論  
五斗遺風宛尙存  
香草滿庭書滿几  
不妨門外市聲喧

楊補帆 昌緒 山水

朔風昨夜撼霜林  
亭館蕭森洞壑深  
料得林間肥遯者  
早從讀易悟天心

雄豪而妙肆而醇  
淡墨中含太古春  
莫說倪黃兼董巨  
要師造化不師人



嘉慶癸酉九月二十四日泛舟珠溪山川平遠  
風物清和訪慧照長老於圓津禪院夜宿曹  
溪草堂慧公出所藏經冊書畫見示蚤起登  
清華閣憑眺久之因思昔年王述庵司寇爲  
言慧公之風雅圓津之幽勝因獲識慧公而  
未遊圓津也今余來遊而述庵歸道山數年  
矣感念今昔得詩一首留贈慧公並索識司  
寇者同和之

名藍高閣俯晴煙夢想清華十五年一宿淹留懷舊侶  
三生翰墨有前緣依檐喬木延秋興隔浦層巒證畫禪

慧公善畫安得聞思起詩老更攜賓從擘吟箋

二非禪師邀看菊花有詩次和并束鐵舟

爲領寒香叩講堂霜枝開徧贊公房自矜彭澤歸偏早  
却喜東林社未荒曲聽琴聰真澹宕詩吟齊已最清蒼  
小吳登覽堪乘興準擬春來到上方

是日聽聰凡粹然鐵舟鼓琴鐵舟邀

登小吳軒以暑短改訂春和故云

爲養恬比部題其尊人青橋遺照

與善天心信有徵粉榆遺事至今稱靈臺一點薪傳火  
此是丹青貌不能

賀范芝巖重遊泮宮

六十光陰似隔晨白頭渾似少年身須知貞下元重起

一任人嘲穀裏新

吳人以舊穀舂米謂穀裏新其舊事翻新者亦以稱之

新詩氣盛吐虹霓老我摧翎學木雞要待牛腰成卷後

摩窠懸腕爲君題

題遂園禊遊圖

圖作於康熙甲戌禹之鼎寫同集者徐司寇乾學侍郎秉義御

史盛符升編修黃與堅檢討尤侗孝廉錢陸燦共十餘人今藏尤氏

禊飲耆英迹已陳風光不異永和春山陰一敘傳千古

誰是當年誓墓人

科名官爵今何有曲榭高臺久已無留得畫圖百廿載

祇令覽者發長吁

鶴栖堂外草蒙叢一卷珍還硯笏同人世衰榮無定在  
須知天道似張弓

題梅溪寫經樓

築得高樓迴絕塵息機願作寫經人知君袖有中郎手  
不數開元蔡有鄰

吳槐江同年偕畏堂弟過須靜齋

勇歸先後共辭官欲以餘年拾墜歡到眼雲煙原是幻  
聚花蜂蝶自成團壺觴且逐鄰翁飲晨夕聊甘門子餐  
識得閒居真率味此間風景足盤桓

三月三日息園讌集

新綠引遐矚繁紅炫明流微雨遊人稀愛茲池館幽一  
觴兼一詠緬邈懷前修浮生若過客靜躁迥異謀心賞  
不在遠地勝可以留芳辰足遊衍願外將何求

重修胥口伍相國祠墓用壁間韻紀事

荒祠古墓枕湖濱想像英靈來往頻楚國君臣隨逝水  
吳王宮殿亦成塵窮鄉不少黎邱鬼時有冒周公後裔  
改祠爲元公廟以  
規佔祠前湖泊遺愛猶尊土穀神土人奉祠拂拭苔痕  
爲土穀神  
之利者故云  
認題句始知左證有前人祠壁有明正德年間郡人  
盧雍過胥口謁祠墓詩

閔農

閔農得微雨奈此北風狂人事終須盡天心不可詳直

愁走旱魃翻冀舞商羊倚杖巡檐步雲開月滿廊

蒲快亭扑教授出塞圖

脩髯如戟氣如虹橐筆枚臬筆陣雄想見墨香行帳滿  
白雲紅樹萬山中

豹尾晴穿紫塞煙五人聯轡記齊肩中關月色涼於水

鴻雪泥痕四十年

乾隆癸巳秋獨木蘭余偕唐農部樂  
宇慶雨林侍衛傳春園森崇東山泰

兩舍人於八月十五夜趨赴中關月中並轡行三十里  
年壯氣盛意甚樂之後唐出守黔中崇以御史墨誤傳  
官至尚書慶官至將軍皆歸道山今快亭教授出示是  
圖回首舊遊蓋四十一中秋矣舊時月色不減今宵感  
念今昔能無  
振觸於懷耶

癸丑翰林同年圖爲世恩姪題

三曹摹寫十同年名筆茗溪累葉傳

乾隆戊戌余在京師於閱編修惇大

齋中觀所藏同年圖圖分三曹卷首李西涯題甲申十同年圖篆書六字字大徑尺編修圖中閱公珪裔孫也

吳下又聞人艷說玉堂真見會羣仙

何須寂寞話蘭亭姓氏聯翩上

御屏他日科名誰不愧要人撫卷想儀形

楊高士雪洲遺像

高士名杭吳江人瞿起田先生友也先生殉難粵中高士

攜其骨歸

葬虞山

殉國存臣節攜骸見友心乾坤正氣在須向古人尋

風洞血猶碧雪湖草自青扁舟平望去惆悵墓門扃

題王南橋萬壑松風圖

紛披健筆仿荆關繞戶濤聲與翠鬟我坐虛堂思晝寢  
松風引入萬重山

天青雲白十分晴記聽仙禽送樂聲赤頰方瞳定何處

老來頗憶麗田生

乾隆丙申余遊黃山見翠鳥三十餘作隊而行聲抑揚高下山僧曰此名

音樂鳥不能常見也又於石壁見題字二行曰麗田生  
徜徉處隸法古妙急訪之於文殊院相晤云姓江歙人  
也住此不下山二十餘年矣方瞳紅頰行步輕捷  
與之言畧一酬答明旦又訪之則已往始信峰矣

甲戌臘月十九東坡生辰復集延月舫春樊舍

人出示唱和卷題後

鐙火青熒丈室幽奠椒歲歲集朋儔不知天上騎鯨客  
來到城南此地不



幾人身健又心閒放棹重來叩竹關展卷鴻泥同發慨  
一枝好筆憶船山萊州守張君問陶四川遂甯人今年卒于虎邱寓館卷中詩以船山爲最

張雲門見示六十自壽詩和韻

不羨簪纓戀薜蘿肯因遲暮感蹉跎莊荒四雨遺賢少

居近漁郎野趣多

四雨莊君先世遺業也今已久屬他人漁郎橋君所居地名

問字

僧雛頻獻果乞書道士又籠鶯

君善書法

紀羣交誼情非淺

步履何嫌屢我過

君尊甫瘦銅舍人余同年最契

重遊泮宮述懷

軒紀龍飛二十春祥飈晴靄滿城闌舊傳佳話欣來我

近續書香幸有人

余得孫甚遲今遵祁希甫亦皆就塾

待漏鳴珂懷往事

觀河鑒影悟前因相看莫訝摧頽甚收得桑榆自在身  
噦噦鸞聲泮水邊轉頭青髻雪盈顛三墳五典尙能讀  
二首六身重紀年牘示辨真期復古帙珍小學最希賢  
荒莊衣鉢慚空付闕水迢遙路幾千

學使者爲甯化雷翠庭先生當代正

人也頗示重刻小學試牘辨真至今學者奉爲圭臬

讀書豈但志科名憶踏丹梯第一程曾許蘭亭將骨換  
欲換凡骨無金丹蘭亭跋語也縣試日邑宰鳳臺周先  
生諱隆謙面試楷法題卷首云首藝議論精卓次亦澹  
逸有致書法獨踵晉人拔置第最慙叔寶頗神清醴泉  
五名今老而無成深負期許也  
繭三先生以詩筴致賀有叔寶風姿如玉琢兩行鼓吹  
採芹回之句時先生年幾八十書法婉媚今藏篋笥  
鳳毛麟角聯新侶旂影芹香餘故情拂拭雲松珍賜研

寸田要與子孫耕

先祖開齋公賜研爲康熙年間顧仲呂琢上刻雲松製極古雅

吹笙聽譜白華章小葺蝸廬學蟄藏須靜工夫歸默默

惜陰歲月去堂堂

須靜惜陰皆先祖齋名余移居後仍以顏齋

一身進退吾

能度兩字

君親子未忘

子世璜請養在籍

且許循陔同擊壤龔軒鼓舞頌

陶唐

陳其年先生洗桐圖爲陳柘慈題

高梧百尺布清陰坦腹何方散鬱襟想見填詞餘興在

虛堂瀟灑似雲林

要將旨酒祓清愁漫說功名似馬周留得畫圖爲世寶

祇令來者緬風流朝來日者橋邊過爲許功名似馬周先生未遇時友人所贈句也先生年五十果以鴻詞徵授檢討然亦未竟其用故云

綠牡丹詩爲馮穉生題

但嗅天香不見花  
春深簾幙有雲遮  
虛堂夢醒摩雙眼  
認是仙人萼綠華

碧闌干外綠成堆  
仙種無勞羯鼓催  
花史莫誇姚魏貴  
人間紅紫盡興臺

范佐周德望歲寒懷舊圖

後樂先憂志今時孰與論  
前型猶未遠深意畫圖存  
長白話艱辛齋鹽憶古人  
歲寒遺蹟在松竹自含春

舊德雲仍食遙遙七百年誦芬因有作繩武看蟬聯

課孫

閱世空萬事傳家惟一經先教審屑齒還與辨聲形伏  
案有螢火冲霄看鶴翎窺園守董誠兩版要常扃

單竹軒治中閒雲出岫圖

閒雲有何心達人自忘我子雨而友風卷舒無不可

郁枕濤鍊師七十索詩賦此以贈

最憶鍾吾頂看山讀畫樓青霄同豁眼白髮各盈頭天  
上星辰迴人間歲月迺何能捐俗累攜手訪浮邱

范芝巖八十壽詩次韻

修齡開九徑開三紫氣東來指道南弄月吟風真是樂

生天成佛又何貪瘦腰彊健還辭杖短髮飄蕭不受簪

最羨天平世澤遠壽泉歲歲酌清甘

范石湖遊壽泉詩何年錫杖刷清甘

天遣深源壽此庵

窗外聞呼祁孔賓回頭往事卅年春避他攔路椰揄鬼

愛爾閒居澹蕩人歌榭花繁鳥拍板風軒月上酒生鱗

不須更發鴻泥慨同是華胥醒後身

秋風三泖放煙舫點筆蓬窗續諾臯嘯傲儘教容老子

經綸久已付兒曹家園寒退魚堪釣遠渚春生菜可挑

筋力近來知更好四詩真不讓韓豪

升平海宇永無烽況復多禾慶老農蕙帶稱身同紫綬  
村醪適口似黃封耆英會仿前朝洛安樂吟編邵氏雍  
聽說羣仙下蓬島偃佺舊侶喜重逢

單竹軒護榮蘭茂圖

畫錦春融日正長石闌莎徑儘相羊北堂雲護長生草  
九畹風開王者香

循陔收得自由身況復庭階繞鳳麟放眼風光閒處好  
要將生意養天真

九棘三槐亦偶然人生何事不由天先生樂境真無量  
應署頭銜號樂全

張文定自號樂全居  
士東坡有樂全堂詩

次韻秋室同年以詩辭飲之作

友蘭師竹

秋室京師齋名

懷陳迹溼雪寒梅又早春未許尊前

聆玉屑先從筆底挹風神半生閱世餘殘夢弱歲知心

剩幾人倘可結鄰成二老

來詩有此後相期成二老之句故云

白頭曳履

肯辭頻

丙子三月廿九日雨後徧遊聞思何亭諸精舍

踰嶺至泉上小憩歸過吾與庵間枚庵亦在

山中不得晤夜卧復雨枕上得句奉柬並寄

岳峰澄谷二上人

積雨生濃綠攢峰獻眾妍僧分忘世味天與看山緣暮



齒寡儔侶遊踪感歲年  
籃輿何處駐不共酌雲泉

勛齋招飲爲品蘭之集得詩二首

幽蘭秀山澤甯與識者期  
逢時偶遇賞遂與蕭艾辭  
晷茲絕世姿一一羅軒墀  
因知羣芳譜搜輯仍多遺  
不采夫何傷卓哉昌黎詩

有香難自匿有美肯自鬻  
藹然清風來似與娛幽獨  
我欲試品之陋詞恐汝黷  
殊形臭何差忘言氣彌馥  
三爵退油油隱几疑空谷

遊西山歸過訪槐江翌日以詩見投次韻奉答  
坐愁行歎吾衰損嬉春伴侶年來鮮  
聞說西山新綠濃

勝遊宿諾還能踐雨止肩輿入翠微和風爲扇雲爲幃  
我愛清遊君所嗤君甘堅卧吾心善朝來冒雨遞瑤箋  
盟手吟哦卷又展門外連塍麥浪翻階前壓架藤花泣  
不辭剪燭和新篇愁霖吾亦何能免放晴如許去看山  
出水鱗魚可同飯

客有訂遊焦山者盛誇江中出水鱗魚之美故云

槐江又用韻因再和作

爲道從來貴日損往聖微言知者鮮守雌衰白賓朋稀  
伐木空歌邊豆踐先生脫綬亦杜門未許時人窺翠幃  
觀妙早知元又元收身欲止善之善連朝佳句貺頻仍  
高吟頓使愁眉展快如長劍斫陣揚麗若花枝浥露泣

雄才揮霍信有餘枯腸窘迫慚難免還期同守老氏誠  
莫關心兵減眠飯

單厚堂風泉雲壑圖

賈氏三虎偉節最怒荀氏入龍慈明無雙君家兄弟不  
可當

用岑嘉州句

譽望荀賈相韻顏山林廊廟天所付一一

追琢成珪璋卽今五馬纔小試百里士元跡偶寄風泉  
雲壑契高懷白帟單衫寫幽思晴窗濡筆展橫圖相君  
不是山澤臞題詩莫憶空谷駒赤芾佇看朝天衢

爲世恩姪題試院煎茶倡和卷

卷爲甲子典試浙江作

熙甯通守留詩句佳話錢唐七百年想見松風晴院滿

肯教韻事擅前賢

攜來一卷是家珍  
朱墨紛披采色新  
秋賦今年又建子  
人間光景信奔輪

朱竹田竹田山居圖

萬竿脩竹繞精廬  
雨洗風搖綠上裾  
客至莫譚塵世事  
此間有路接華胥

山如太古日如年  
泱泱清渠浸稻田  
白袷棕鞵磐石坐  
人間真有地行仙

題倉敞庵

聖脈

太史行看子

先生早直承明廬  
鴻文彪炳凌嚴徐  
先生昔著郊居賦

少室天壇縱逸步東山高卧愁蒼生膝前才子今專城  
閒籠玉陛賡歌手來聽春江襦袴聲相逢但訝顏逾  
好問君何術能難老君言不識還丹方平生只是無煩  
惱飛騰頭上雙丸疾甲子今年開九秩松身鶴骨本昂  
藏最羨方瞳如點漆寫生妙腕時無偶錫山華冠吾舊  
友展卷因之感昔遊青雷朱文震畫筆青柯陳朗酒我已歸  
田近卅年摧頽愧對地行仙難攀洛社耆英會喜結蕭  
齋翰墨緣

輓寒石和上

見山閣上四山青每到春來屐慣停下士那知出世法

正胸真有洗心經他時法雨誰同飲法雨泉在此後雲理安寺後

泉我獨聽欲向西冷訪圓澤理安秋老寺門扃

沈聲和松月石泉遺照

家風醇謹似恬侯種德門庭樂事稠留與畫圖覘世澤  
心田穠蓂歲豐收

蟾影流天樹影交竹籬藤架有雲包此間風月真堪賞  
定有鶴來松頂巢

風泉入耳道心生洗盡塵緣是此聲想見高懷澄似水  
肯將蘿薜換簪纓

月色泉聲自歲年海山何處信茫然知公早悟陶公訣

但聽松風便得仙

沈雲嵐雪香書舍圖卷

撲簾香氣上吟肩人與幽花有夙緣茅屋三間梅百本  
自拈新韻賦新篇

詩正吟成花正開賞花端合引深杯繁英似愛新詩好  
飛入詩人酒盞來

鄧尉山前月正明河鮑橋外雪初晴按圖頗憶年時景  
目絮蒙頭曳杖行

風信連朝進嶠難探春歲歲怕春寒輪君索笑書堂裏  
冷蕊疏花子細看

女孫敬之哀詞

生滅剎那影聰明未笄年能摹茂漪格愛諷杜陵篇有  
藥古流毒無醫今可憐不須重入夢賺母淚如泉

六氣二首

六氣憑陵困下民天符地化說紛綸仙山不是無靈草  
驅使難邀秦越人

漫言肘後有神方勿藥中醫策最良寄語人間知命者  
莫將鬼伯作長桑

閉戶二首

拘迂本與世緣疏老懶惟應閉戶居竹雨洗心歸淨土



松風引夢到華胥漸稀塵尾談元客

往時陸默齋盛蘋洲近歲褚觀亭時

時過談今皆化去

怕讀蠅頭仿宋書

友人翻宋本諸書半屬小字密行

除却三

餐并一宿

日圖三餐夜圖一宿吳中諺語

人間何事復關余

心衰面改眼模糊坐看虛堂駒影徂慧惜女孫先我化

病憐房老要人扶荒池春草空餘夢陳迹西園剩有圖

漫說還丹期九九桑榆那得補東隅

客有以養生書見贈者故云

題徐虹亭先生楓江漁父遺照

先生名鉞字電發吳江人康熙

中舉鴻博

入翰林

三殿晴開散曙煙八磚春暖列羣仙如何鈴索雲窗夢

却在蘆花淺水邊

此是當年第二圖  
竟攜箚笠老菰蘆  
笑他賀監抽簪晚  
又向君王乞鏡湖

騷壇唱遍菊莊詞  
前輩風流最可思  
昨向三高祠下泊  
自憐同調不同時

孤艇江城夜雨涼  
故人飲我夢生堂

憶榆村司馬也

山邱華屋

頻年慨

兼悼緯堂孝廉筠嶠別駕

文采清門世澤長

竹軒寫小影傍列几一磬一琴一南華經一題

曰四友圖索題

隱几可忘形  
讀書期尙友  
試問竹軒翁  
何如漆園叟  
嶧陽有知心  
昭文今不鼓  
三疊舞胎仙  
莫問成連譜

片石是奇珍何年浮泗濱  
虛堂羣籟寂來伴有心人  
閉戶策眞良秋生笛簟涼  
遙知賓退後清夢到瀟湘

明況太守治蘇政續集題後

親民二千石兩漢紀循良  
勝國名臣罕遺微郡志詳明  
非恃鉤距集豈炫詞章直道  
今猶昔青天興誦長

枚庵堯圃枉過不值堯圃有詩和作一首

鴻鈞運四時流轉不得住  
暑退已秋中小山香滿樹訪  
友因出遊二妙迺我顧朝來  
讀新篇獨坐面平圃因知  
塵世事俛仰迹成故還期  
匡鼎來不棄高叟固卽景可  
怡情相與欣所遇何能學  
唐風瞿蹶歲云暮

擷芳亭前桂花頗盛往歲花時同年褚觀亭與  
弟畏堂談讌於此又女孫敬之常遊所也和  
蕘圃詩成獨坐亭中振觸悲懷不能自己得  
二十八字不知枚庵與蕘圃能爲我下一轉  
語否

一紙新詩淡墨斜喜聞二士過吾家那知今歲情懷惡  
怕看西堂滿院花

九月下浣須靜齋賞菊次槐江韻

霜天促膝一尊同濃淡疏枝丈室中短髮久將絲比素  
衰顏暫借酒添紅休官彭澤身還健晚節韓公語最工

擬寫秋容祝老圃花時歲歲醉籬東

宋悅研少寇服闋還朝同人餞送用芝巖韻

歷歷春明夢連宵到眼前升沉幾輩判去住兩心懸豈  
不同岑戀難將一壑專

五雲凝望處芳訊待年年

泊舟光福登行素堂寄懷梅村族叔蜀中

東風習習水粼粼南國初冬似杪春礪上已無賣畫史

徐俟漫莊可有注書人顧景繁禧百年樹尙餘先澤一畝宮

堪樂我貧爲問西川遊宦者全家果否住江津叔在京師嘗爲

余言川中江津縣風景之佳地宜種橘若買園栽橘千頭足供衣食爲終老之計

題趙北嵐

曾

大令遺像

乾隆己酉舉人  
山東萊陽人

倚樓聲譽早年馳  
攜鶴家風僚案知  
藝苑驚傳鵬鳥賦  
州民猶詠毳衣詩  
高才不信身留滯  
薄宦偏嗟命數奇  
我爲披圖頻墮淚  
虛堂重展國山碑

君宰荆  
溪所貽

明周忠毅公玉印詩爲公六世孫石臺大令

鶴

立賦

委鬼當頭坐  
茄花滿地紅  
桓桓忠毅公  
抗疏撻其鋒  
此印有碧血  
冤獄悲萋宏  
峻嶒折檻心  
抑鬱園土中  
一朝陰霾開  
恩綸賁丹楓  
腐骨迴天光  
太僕卹典崇  
公性自嶽嶽  
公印光熊熊  
想當起草時  
佩入明光宮  
何年羊城

歸環若新磨礪

印攜入獄今得自廣州市上

至今雲仍守扶寸侔球

珙憶昔蔣徑遊泥印摹剛峯掌風化之官五字氣吐虹

海忠介公泥印曰掌風化之官今維公挺勁節實與忠藏吾蘇蔣氏余拓一紙裝冊題之

介同何當重拓本什襲題雙忠公爲殿上虎卓行先花

封公自仁和令擢福建道御史崇禎登極卹贈太僕寺卿告身爲董文敏公書有兩起花封之最馴有郊鸞

入騰柏署之聲爭爲殿虎之句作詩寄賢宰目送天邊鴻

丙子十二月立春日東坡生辰春樊懸像設祭

### 招飲齋中得詩一首

景祐至今幾甲子坡仙仙去真不死今年甲子兩頭春  
更喜開筵風日美紗幮追思嶽降辰畫圖想像舊丰神

杭州黃州一夢耳孤臣肝膽空輪囷人生窮達皆前定

不才何敢他途進

用公對宣仁太后語

生逢磨蝎信由天飄零海

角甯非命俯仰人間歲月適雞蟲得失良悠悠我歌哨

遍侑芳醴頗憶當年吳遠遊

吳子野字復古一字遠遊精養生之術東坡南遷歸

至真揚告曰鄙鄆之夢猶足破妄歸真今目見而身履之亦可以悟矣東坡爲作養生論又作遠遊庵銘



三松堂續集卷四

始丁丑春  
至己卯春

吳縣潘奕雋榕皋

題明金孝章梅花卷

和羹遇乖療飢志絜維遜之肥是民之逸

西山有蕨箕山有瓢卓哉先民清風遙遙

和祝仁泉鄧尉觀梅之作

問訊梅消息香風破夢回遙知孤棹泊正是十分開好  
句誰能賞清遊未許陪新詩三十韻一韻一浮杯

記坐還元閣初晴乍暖天雪消銅井路香到太湖船野  
老能延客僧雖不解禪何當重放艇翰墨續前緣

仁泉  
見示

漁洋牧仲詩余亦自鄧尉歸而未  
獲見兩公遺墨故以重遊期之

瞿亦陶招飲網師園出示其尊甫遠村太守所  
裝園中題贈諸同人詩記冊俯仰今昔慨然  
成詠

城南疏曠多亭榭大好園林說網師欄藥況能娛客眼  
簾龍更喜長孫枝燈明酒綠歡今夕嫩蕊濃香又一時  
我諷陳編增百感白頭漫與賦新詩

徐謝山香雪海丙舍讀書圖

春暉報答是何年丙舍營成面墓田想見四山風雪滿  
一燈如豆坐青氈

繁柯冷艷擁僧樓曾爲梅花十日留指點司徒廟外路

一牛鳴地有松楸

佳城與先壠  
僅隔一河

鶴歸華表望瀧岡又是春風破鼻香莫訝使君心似鐵  
早將冰雪鍊心腸

汪梯愚桂林覓句圖

廣寒縹緲送簫聲節候秋中萬景清莫是吳剛來下界  
天香吹徧闔閭城

一家金粟有仙緣不二門參無隱禪想得小山吟句穩  
碧天蟾影十分圓

喜姪孫曾彥曾琦入泮

觀復齋中引一卮存誠堂下聽鸞旂喜心倒極翻增感

卻憶貽謀督課時

憶畏堂也

夾道喧闐簫管聲一時佳話徧江城襴衫自是吾家物

吾家自高祖支下子孫補博士弟子者凡四十八人

難得聯鑣又弟兄

乾隆甲辰錦堂槐堂

兩姪同遊于庠

舞象回思鼓篋辰衰遲荒落坐因循伊川三語宜深省

珍重青雲自致身

### 秋林逸興圖

秋氣在林薄秋雲涼墮衣溪橋獨往人世網不可戰寥  
泐天宇淨目送歸鴻飛已斷去來想自悟出入機寄言

塵中客母乃心神疲

唐陶山觀察松風琴韻行看子

凝香燕寢日如年  
謾謾壽聲攪晝眠  
借問談元誰是侶  
三層樓上一神仙

無言羊體與嵇心  
此事從來絕賞音  
會得成虧不二旨  
碧天涼月印沖襟

韓桂舫司寇風木圖

蓼莪永抱鮮民痛  
風木常深孝子思  
三復壽山生壙記  
濡毫宿草有餘悲

封君旭亭先生自  
作壽山生壙記

瞿菊亭桐間露落柳下風來行看子

閒階靜有鶴夢虛堂倦聽琴聲最喜桐間柳下悠然心  
跡雙清

胸次峨眉雪水眼中庾嶺梅花小園風露幽絕定應吟  
到月斜

九月中澣范支山集老友十七人作千齡會有

詩紀事得七律一首

尙齒千齡集衆賓三秋風景勝三春

樂天九老洛下耆英皆在春日故云

會昌履道留遺韻妙覺元豐艷寫真

耆英會圖形胡吉于妙覺僧舍

年高今有偶富文望重古無倫

昇平盛事叨陪幸十

七人中第六人

槐江同年枉過須靜齋卽事有作次韻

濃淡復高低秋光滿露畦地宜娛老眼天似愛幽栖  
平子歸非晚莊生物久齊惟應塵外侶暇許一尊攜

題李桐園寸草詩後卽和元韻

麻衣有客病眸低誦到匪莪句慘悽淚盡怕看春筍長  
心摧愁聽夜烏啼已知振地燈初隱無復沿流鱸遠齋  
千古皋魚同抱恨九閭何路問端倪

慈雲黯淡素幃深腸斷江猿徹曉音瞻像尙留身後影  
過庭回憶往時箴可無廬墓言哀什賸有營齋薦福心  
聞說祥芝生冢上松枝野鹿忍相侵

霜寒月落夜迢迢，慟絕椿萱繼歲凋。  
林下鹿車追昔語，雲間鶴馭返崇朝。  
鏡奩脂澤留遺具，藥竈茶鐺鎖舊寮。  
應有門生富才藻，魂歸何處遣巫招。

鬱鬱瀧阡碧嶂隈，築成高冢望泉臺。  
誦芬縷述先人德，肯構全憑後起才。  
早識箕裘堪負荷，那能風木不悲哀。  
松楸我亦銜餘痛，爲染枯豪掃硯埃。

春帆圖卷爲春帆廉訪題

圖在軍營時作

熊羆十萬擁樓船，羽檄飛馳玉帳前。  
誰信當年磨盾手，夜深涼夢到鷗邊。

水碧沙明一葉輕，天清雲白正新晴。  
問君破浪乘風去，



何似中流自在行

於明王元珠先生歸田園中得一石古樸可愛  
移置擷芳亭外題曰米友余作八分書屬湯  
警齋鐫其上招同改七薌夏羽谷黃蕘圃小  
飲以詩紀之

迎來米友試松鱗

族姪世湘以高祖其蔚公所製松鱗墨見贈

開得新篔簹

故人戶外西風漸蕭瑟籬邊黃菊正精神  
稱家肴核杯盤簡信手詩篇語意真  
領取尊前閒歲月任他光景似  
奔輪

九月九日槐江同年澹餘比部同過荒齋小飲

槐江有詩次韻

同心肯枉駕促坐共傳觴令節珍重九

九月九日昔人以長久取義傳

爲令節

繁花愛拒霜

庭前芙蓉盛放

卻邪徵故事倚醉陋時妝

芙蓉

有一種名三醉者是日友人招遊山塘未赴故云

米友能延客知君去未忘

黃蕘圃招同石琢堂吳玉松王惕夫張蒔塘賞

菊和玉松韻

相看莫訝盡成翁放眼霜天坐菊叢倦翼歸心依舊侶  
片雲閒意戀晴空破除結習猶滕口收拾餘齡學守中  
和得新篇揮秃管翩躚體勢似楊風

王仙舸司馬秋林讀書圖

林深暑氣清嵐翠濃欲滴幽人謝塵氛讀書耽岑寂煙  
光靄遙峰泉聲流四壁定有問奇人疑義共相析豈無  
談元客逍遙展良覲嗤彼世網嬰稅駕安所適

酬槐江苦雨之作

前日殷雷轉連朝行潦深朋簪蹤暫闊卷帙味重尋留  
幔鑪煙裊壓檐雲意沉新詩破岑寂披豁得長吟

苦雨和韻

何期冬雪作春霖病叟深愁六氣淫且對玻璃展碧簡  
最宜楮柚熱黃沉傲霜籬菊香猶在索笑庭梅思不禁  
竟日淋浪渾未已短筇何處散幽襟

喜晴和韻

掃盡濃雲一夜風  
曉窗明快望晴空  
閉門擁鼻歌幽雅  
多稼迎年望歲功  
始信無私真帝載  
莫將有憾度入天聲  
工歡聲聽說黃綿襖  
我是清時田舍翁

復疊前韻贈槐江

歸岫雲閒不作霖  
擁書可是慕書淫  
吟成好句鑪香燼  
坐到深宵漏鼓沉  
玩象天山心自定  
聽雞風雨思難禁  
陳編有味堪尋繹  
尙友何人契素襟

閒居只合諷幽風  
榮願苓通久已空  
知命樂天公有道  
讀書言氣我無功  
交惟取淡從來寡  
詩不求名底事工

更欲相期焚筆硯儘教鄉曲喚蘇翁

宋蘇雲卿也

### 謝客

籠袖慚標署尾雲息機擬把寸田耘時流謬許鐵門限  
名跡未窺銀綻紋憶爲課功曾畫被也因乘興偶書裙  
而今心手真慵極謝客先將秃管焚

己晴復雨槐江倒用前韻見示因再次韻用以  
祈晴

欲將健筆豁煩襟逸思瀾翻自不禁乍喜風聲披獵獵  
卻看雲意壓沉沉禳田未獲酬籌滿種麥還愁害雨淫  
那得春秋繁露術免教霖霖又成霖

堪笑歸休兩倦翁拈毫但鬪語言工收身可有安心法  
墜戶曾無面壁功莫更行歌頻望遠漫勞坐歎又書空  
陽生靜驗乘除理

十五日爲冬至節當得轉晴

感發同聽徹夜風

爲周助齋題繆東白畫冊

楚澤遠山青綬山玉露零風前閒讀書春在擷芳亭

詹諸爾何爲黿黿不潛窟仙人莫兒戲任蝕瑤臺月

丁丑十二月東坡生朝春樊招同吳槐江石琢

堂集延月舫得詩一首

衝寒爲赴盍簪期歲歲今朝例有詩歸院金蓮譚往事  
降神紗縠仰丰儀畫圖笠屐眞千古燈火青熒又一時

領得吾儕閒適味深杯到手莫堅辭

范芝巖編修哀詞

風雨思朋舊何人似巨卿東華同退食

內閣後門與國史館相對辰

入申出皆由東華門

北郭共歸耕

余歸于戊申君歸在己酉居城東相去不及一里

生滅

乘除理悲歡聚散情寢門揮老淚雲暗闔閭城

除夕過善慶庵作

歲晏人事集孤懷何所娛  
陔言城東隅精廬面平蕪  
晴旭耀積雪荒村儼畫圖  
閔彼塵中勞愛此物外居  
上人僧繇侶弟子智永徒  
坐我微笑軒清絕如冰壺  
論書兼讀畫不覺至日晡  
憶昔眉山翁臘日遺妻孥  
未知勤與

思有此翰墨無近聞甘亭子習靜棲浮屠從來超曠士  
不受世網拘浮生醯舞甕去日隙過駒餘年吾幾何徇  
俗母乃愚短髮已如僧亦欲依圓蒲

除夕過友人齋中卽事有贈

曾聽尊前金縷衣十年回首惜芳菲而今平視還容我  
又見傾城出翠帷

庭前石丈證毘耶枯木三冬話總差解得四禪無縛旨  
儘容天女散天花

那得宮亭如願來浪傳故事打灰堆問君暖老雙荷葉  
何似銷寒一酒杯



松陰洗硯圖

硯涵鸛鵒淨無塵  
階下源頭活水新  
想見松陰揮翰罷  
打門定有換鷺人

吳巢松編修開雲出岫圖卽送之入都

白雲本無心吐岫  
還依岫子雨而友  
風瀚然當晴晝  
舒卷寂無聲氤氲  
接太清須知待澤  
者下界有蒼生

東郊獨步卽目有感

湖天黯黯又生雲  
野樹蒼茫淡夕曛  
江上一鷗拳足立  
春來沙暖不成羣

錢梅溪六十生辰詩

梅花溪上一詩人生與梅花有夙因嗅得寒香清到骨  
吟來好句瘦通神趨庭鸞鶴排行舞壓架琳琅耀眼新  
我欲拏舟訂偕隱南枝正報十分春

汪鈍翁遺像用卷中彭南昀先生韻

扁舟光福去曾拜鈍翁墳灌木空啼鳥春山自出雲晴  
窗緬遺架獨坐看斜曛太息前徽渺微言不可聞

歸雲軒送弟畏堂葬

社日海燕至春分庭梅開我來歸雲軒雲歸不復回魂  
魄倏以判一棺藏形骸形骸不可留逝將歸山隈丹旄  
陳堂隅清醪湛金罍賓朋素衣集鼓吹聲銜哀爲爾題

木主制淚中腸摧欲斂就渙神憑茲不朽材弟去甯有  
戀兄悲安能排火傳薪已盡葉脫根還菱屈伸一氣爾  
來去何殊哉聊將夢幻旨慰我遲暮懷

風泉清聽圖

風聲泉韻自年年卻憶詩人孟浩然那得閒身吾與  
坐洗心同證小乘禪

虎阜玉蘭花下作

靈根託勝地寂寞歲年深不作書空字常含向日心伴  
宜僧退院賞許客抽簪閱彼朱家子貽人笑至今

相傳  
朱勗

採花石至蘇  
委弃于此

堯圃訂遊吾與庵因雪不及赴約吟此寄懷並

柬心誠上人

梵放鐘殘月正明  
雪窗遙想坐深更  
烹茶童子開門去  
滿院香風疏影橫

翦得園蔬味最腴  
山行小憩記留吾  
不知飛錫西泠者

還到籬邊倚杖無

謂寒石也

客有以詠絮詩見示者漫和一律

非花不自惜流轉欲依人  
風漫隨高下飄難辨溷茵謝  
庭原可貴陶徑莫嫌貧  
吟侶偏憐甚沾泥亦夙因

題汪鰓三先生長楸先路遺卷

韻事當年說馬嵬醴泉仙令謫仙才

先生赴任路過馬嵬立碑種松致奠

而去一時傳爲佳話

長楸一幘風流在留與騷壇盟手開

木杏橋邊老學庵寒鴉數點柳毵毵淒涼前輩凋零盡

荒徑重來我尙諳

先生晚歲居南園之木杏橋與先祖間齋公倡和最密

簪花滴露墨如新操几猶思鼓篋辰

余年十六遊庠先生以詩書篋見貽

今藏笥中

六十年來如一夢更從卷裏挹丰神

三月下澣四日同槐江同年春樊舍人流水禪

居坐雨束楚圻上人

清遊得靜侶幽興憶僧廬不憚衝泥去言尋流水居空濛低岸柳喁喁上池魚岑寂吾偏愛人稀是雨餘

老僧談往事延我坐春風容鬢白無數庭花紅一叢早  
知諸相幻誰信萬緣空襍被期他日東林依遠公

余舊居西北隅海宏坊有海宏寺載在志書予  
族兄緒陶昆仲讀書其中乾隆癸亥甲戌間  
余亦常來往寺中時額已易題兜率庵今住  
持僧重加修葺仍舊題曰海宏寺四月初旬  
偶然來遊回首舊遊蓋已六十餘年矣慨然  
有作

兜率昔看門榜換海宏今喜講堂開誰知雪鬢扶筇客  
六十年前數往來

昔蒲快亭教授示我梁谿清微道人小楷今汪  
省吾秀才復以所書詩品石刻畫蘭見示並  
索拙句爲題一律

清微方外秀耳熟已頻年聞說焚修暇能通書畫禪拈  
花依寶座泚露灑雲箋風格追前哲他時或可傳

病枕口占

聞說山塘樂事稠畫船簫鼓集中流樵青誚我真癡絕  
何苦空齋獨坐愁

獨坐空齋儘可娛松風竹韻繞庭隅老夫自愛清閒味  
況是經旬病未蘇

經旬臥病意云何不向人間覓緩和神馬尻輪甯有惡  
漫勞子祀更吾過

吾將一枕敵魔軍塞兌冥心絕見聞卻笑漆園子休子  
寓言猶費說紛紜

陸謹庭輓詩

淚眼枯朋舊今秋又哭君笑談昨日共生死一宵分世  
本無扁鵲人猶說陸雲鶯歌經故里鄰笛最難聞  
淡交鮮所合情話兩三人已忝陳雷舊況兼婚媾親夜  
燈思讀畫晴舫憶嬉春太息桑榆景何堪傷逝頻

九月將盡未見菊花雨窗對酒槐江有詩次韻



開遲守寂是幽花何事今年信更賒  
索句天隨惟苦雨漉巾彭澤久還家  
且懸畫幃延心賞擬插軍持看影斜  
愛爾孤芳能自葆尊前羯鼓有誰撾

乘除委運信天公側耳西窗聽曉風  
漸喜疏枝籠薄靄須知秋艷勝春紅  
消愁端賴青州聖過眼翻憐金谷崇  
昨向東籬訪舊侶傲霜已放雨三叢

白燕和韻

湘簾低卷惠風輕一翦迎風靜有聲  
命薄梨雲聊息影色空繡戶有餘情  
曲江曾說投懷夢海叟甯誇詠物名  
莫向烏衣尋舊侶怕他鷹隼妬分明

十月下浣一日入鍾吾山宿一栗居

幽尋非夙約冬暖方堅晴昏黑坐籃輿一星如我迎

山罅

西方一星獨明輿人曰此諺所云黃道人喜客至款曲

昏星也鄉人從城歸皆望此星而行

舊雨情清絕一栗居可以安吾神況復有阿戎晤言坐

深更

姪偉堂方修醮在山

山靜夜無漏夢醒身疑仙中宵起危坐默默河車旋我  
未離塵世塵網何能捐早知塵世間自有一洞天終期  
依回老焚修送餘年

二十二日宿吾與庵

動靜本互根處喧每耽寂年衰況病餘獨往惟意適昨

宵栖琳宮今來釋子宅逍遙雲外室清談記往昔雲來  
本無心雲去渺無迹老僧與雲去巾笠猶挂壁舊事說  
三生何處尋圓澤

吾與庵遇雪齋上人爲題竹嶼吟秋卷

巖壑圍空翠微吟獨往時霜風舞紅葉隨身藤一枝幽  
意白雲契禪心沙鳥知虛空真自在爲賦贊公詩

李子仙秋窗課讀圖

老屋松風竹雨高秋几淨窗明記過城南書舍愛聽雛  
鳳清聲

尋常青紫如拾五十功名未遲自有傳家鐵硯佇看接

武銅墀

次槐江蚶子韻

海錯何微細登盤蜺蛤同名應徵屋瓦產本近珠宮誰  
遲調羹手能娛索句翁消寒宜小飲俊味一杯中

放棹梁溪喜晤秦小峴司寇

一夕扁舟興可乘卅年往事憶曹騰九龍山色渾如昨  
來訪山中入定僧

又用小峴韻

問舊驚呼感杜句移廚湖上詠蘇詩

丁巳歲遊西湖先生觀察浙中招飲

湖舫時張桐谷華秋槎范芝巖在坐今皆化去

人間歲月真飄忽嬾向山中更

看棋

白鶴道院施道士善弈小峴詩有明朝便  
躡龍山頂白鶴仙壇看弈棋之句故云

偕胡黃海學博程考溪孝廉訪齊梅麓刺史

不泛梁谿棹飛騰廿五年人無出世法天與看山緣

連日

晴已快心朋聚重逢地主賢盆花似迎客早放一枝妍

又用前韻贈小峴

故人間何闊相見始今年不減登臨興難忘翰墨緣爲  
官嗟我拙勇退信公賢誦到仙壇句紛披老筆妍

遊寄暢園和小峴韻

名園依名山別具一邱壑嚴冬氣候和梅花早破萼緩  
步循軒廊微風褰簾幙主人舊雨歡相契在澹泊行廚

歌既醉俛仰憩林薄明朝分手去相望兩寂寞還期銅井遊並坐還元閣

復用前韻贈梅麓明府

官齋幽以閒不異在邱壑我來當深冬和暖梅吐萼絃詩復讀畫晴曦射裊幙竟日得淹留處喧意彌泊因知吾輩樂乃是時所薄倦僕訝主賓相對何落寞卻笑賞詩人猶說麒麟閣

梁谿返櫂舟中眺惠山作

沙際重尋舊侶盟近遊聊欲暢吾情園如古畫方能好山似佳人自有名

昨席間誦王西泚秋日遊貝氏園亭詩有園如古圖畫秋似老佳人之句

小峴歎賞今以移贈寄  
暢園更稱故用其意  
幾夜霜濃疑釀雪今年冬暖竟  
堅晴歸途翻悔帆輕挂斜照篷窗耀眼明

過善慶庵作

我老自嫌我僧閒真是僧惜茲垂盡歲來共長明燈讀  
畫有餘味言詩亦頗能鳳巢許結侶待暖理行旌

和梅麓再疊前韻見懷之作

昔君入承明如魚縱大壑今君宰百里如花四照萼七  
年小試耳清風動琴幙昨聞米家船夜向胥江泊聯翩  
詩翰來奇麗恣旁薄想當篷窗暇揮灑破寂寞會見著  
作才重登天祿閣

和梅麓三疊前韻論書之作

評書如遊山千巖復萬壑學書如釀蜜羣蜂採衆萼此  
事頗微茫如燈襲帷幙偶然有所見苦不得奏泊羨公  
龍跳筆精熟追羊薄憐予紆蚓腕聊復娛落寞還期不  
自畫古帖精摹閣

時友人以舊  
搨閣帖見示

四疊前韻和梅麓

香光書大宗萬派彙巨壑時或出己意老幹發嫩萼近  
人迺賤目所見障重幙侈口說晉唐泛泛何所泊先生  
具真賞鄙彼小夫薄夫豈阿所好神交契冥冥三復論  
書篇墨香浮小閣



春日偶吟

掩門長日聽松聲  
掃盡塵緣耳目清  
讀書老猶誇眼力  
吟詩病不關心兵  
魚遊池面冰初泮  
蝶戲牆腰雨乍晴  
聞道桃花紅廿里  
延緣何惜一帆輕

客言花藏桃花之盛訂遊未果

雪窗書懷

漫天飛絮掩重門  
坐爇鑪香引一尊  
莫更烹茶徵故事  
黃芽土釜自溫存

雪霽柬友

寒戀衾稠夢不成  
半窗紅旭喜新晴  
山房幽興君知否  
臥聽簷間碎玉聲

八十生辰自述

春風童冠浴沂天花甲周來又廿年

五代涵濡戴

德永

兩朝知遇受

恩偏

寒家父子兄弟叔姪俱以諸生中式鄉會試廷對通籍迭簡衡文

輪蹄陳述真

如夢翰墨餘生尙有緣

平生所見烜赫名翰唐宋碑版不能收蓄而友人攜來鑒賞題

跋者頗近得先民頤老訣碎金一卷是真詮

法藏碎金錄宋仁宗

時瀛州晁文元公著

五十歸田覺始衰移家恰喜近天隨

花橋里居在臨頓路西白衣

蒼狗何須慨落月停雲有所思善病醫言宜謝客安心

兒勸罷吟詩山塘春水如醅綠二老風流庶可期

壬午同年

存者惟仁和我秋室學士及余二人秋室近寓吳門長  
余二歲贈詩云此後相期成二老支筇莫厭往來頻又  
有山塘共作嬉  
春遊之句故云

且對芳辰進一尊未來過去直休論穿簾乳燕流音好

引露新桐布蔭繁幸有田廬供嘯咏不妨饘粥度晨昏

客歲肝病屏卻  
癯腴恃粥而愈惜陰研說貽謀在欲以先型勛子孫惜陰

研說皆先  
祖書齋名

耄及光陰坂走九天教鍵戶養衰殘籬邊竹瘦枝偏勁

庭下松高韻自寒蟄室坐凝香一縷蝶龕臥穩日三竿

探幽舊有幽人約自笑摧頽興未闌

客冬丹徒張舸齋司馬書來訂遊焦

山

武駿亭

隆阿

總戎過訪山齋出望雲圖索題卽

送入 觀

樓船橫海擅威名玉帳風清鼓角聲想見綸巾吟嘯暇

望雲戀 闕一時情

竹頭木屑陶公略說禮敦詩卻穀風誦到作歌來諗句

始知純孝出精忠

駢駢四牡促征鞍二月湖天尙薄寒他日鱗鴻相憶處

燕雲吳樹路漫漫

吳枚庵借書第二圖

一紙不惜致頻仍  
善本蠅頭讀尙能  
老學庵中風雨夜  
憶書真似憶良朋

過聞思庵贈崑峰和上

崑公塵外侶  
塵事不相聞  
庭下窺人鳥  
簾依出岫雲  
遙村隔流水  
獨樹帶斜曛  
會待秋風動  
于焉收放紛  
崑峰訂早  
桂開時來此  
三宿故云